

# Engraziament e comiau al vegl Ischi

Autor(en): **Duff, Paul**

Objekttyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **57-58 (1971-1972)**

PDF erstellt am: **21.06.2024**

Persistenter Link: <https://doi.org/10.5169/seals-881775>

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Engraziament e comiau al vegl Ischi

Decennis e decennis ha'l vegl Ischi cun slontsch  
surviu alla cultura de nies lungatg romontsch,  
ha enrihiu adina cun breigia e quitau  
il gnierv de nosa viarva cun dunn zun elevau.  
Sco tut sil mund semida e va in di a fin  
aschia oz s'enclina gl'Ischi al niev destin.  
Per la davosa gada compar'el al lectur,  
aunc inagad'el flada e dat a nus sinzur.

El pren oz per adina da siu lectur comiau,  
a nus rest'ei tuttina schi bia de siu vargau.  
E sch'in lectur ni l'auter encrescher lai per el,  
vonzei sto el senz'auter secumblidar in stel.  
Sin meis'en tia stiva ei uss in plaz d'avonz,  
ch'ei tras gl'Ischi adina staus occupaus biars onns.  
Ischi, seconsolescha sch'ti partas oz da nus,  
cun tei bein seuneschan lecturas e lecturs.

A ti cun eloquenza in compliment fagein,  
tiu num e la semenza mai emblidar nus lein.  
En buna regurdientscha bugen lein tei salvar,  
a ti oz per undrientscha in plaid lein dedicar.  
Scadin lectur fideivel a ti dat per comiau  
engraziament cuzzeivel per tut il bien prestau.  
Sche fai, lectur, lectura cheu agl Ischi partent  
honor er en quell'ura cun in patratg prudent.

Il vegl Ischi adina a Ti ha dau caschun  
de leger la lectura rimnada a mischun.  
Sche legi'er quella gada aunc ella alla fin  
e suenter meditescha puspei in mumentin.  
Fors'anflas Ti garnezis cun zun bien nutriment,  
fors'era pregiudecis cun pli profund intent.  
En salv gl'Ischi uss metta en scaffa ni truchet,  
pli tard has forsa mustgas de leger in verset.

*Paul Duff*